

百  
柱  
堂  
全  
集

百柱堂全集卷十六

丙辰

丁巳

監利王柏心予壽

五言三章贈李旨之

昊天方疾威，生民委豺虎。暴桀起相挺，毒噬徧村隰。巖邑況  
彈丸，惴惴誰敢拒。吾子奮褒衣，慨然念禦侮。持挺激村氓，立  
幟會桴鼓。青犢警且逃，百里得安堵。真宰產俊英，非徒老農

圃

國家隆譽髦，才必備文武。靖變康斯民，詎分出與處。無爲效  
冥飛，空山遯高羽。

詩道有廢興，振之惟雅才。忠孝鬱性始，比興義兼該。自從僞

體盛淳風日以頽浮侈競冶佚倣詭趨奇佞貞則遂淪棄波  
靡不可回薄劣志復古艱哉何崔嵬蹇足騁長轡自媿非龍  
媒昨覽吾子作道壯意何哀高言震流俗大義伸胸懷吾衰  
久不振得子心意開同志況多雋

謂浴吾柳夫  
意選諸子

淄澠無復乖

努力紹正始古道行當恢

故人抱文藻宿草忽盈阡不叩子雲宅俯仰俄三年今來訪  
蓬徑花木猶依然圖史厯兵燹縱橫有遺編儒雅世不墜亦  
未嬰戈鋌日晏具杯勺感歎黃鑪前紛吾墮世網歲月如奔  
弦石交日零落東風吹華顛長蛇亘千里噓毒東南天媿無  
稷苴策起救世迤邐栖栖但避地未得安林泉閔亂復感舊

援翰著茲篇

方伯羅山羅公輓詞

義旗乘捷指溇陽再引援師發豫章  
逐北奇功紓楚禍征南凶讖兆彭亡  
蠩蚋感歎三年役蛇豕芟夷百戰場  
正倚乾坤歸整頓誰知豪俊遽凋傷

扼擊時艱百六災草閒忠孝異人來  
經師獨擅韜鈴術弟子

偏多將帥材

公深於經術其軍中隊長皆以高足弟子爲之

刁斗無驚軍令肅樵蘇

不犯里門開辭親報

國身先死遺恨英雄萬古哀

創重何曾絕鼓音伏弢流血灑衣襟  
危機忽中焦頭禍

飛駿中顯

猶裹創督戰者踰時烈士終酬裹革心北落明星光慘淡南天神劍氣  
銷沈爪牙宣力當誰寄側想

宮庭悼惜深

久駐

大樹秋凋溢浦側將星春墜楚雲邊軍中頗牧亡相繼江上  
孫盧勢更延鄂渚至今猶窟穴匡廬終日在烽煙艱危司馬  
空垂淚久駐孤軍捷未傳

謂湘鄉曾公

江上遇家孝鳳兵曹黃虛舟大令

二子東來奮請纓風流揮扇並書生心懷溫嶠登舟誓氣激  
田疇掃地盟軍市縉增征權籍土團家助鼓聲聲何當返掃

長蛇窟直捲江波撼鄂城

鳴珂憶別

鳳凰樓握手烽煙此日愁  
變徵歌酣燕壯士新亭淚  
灑晉神州關河逆旅飄零  
恨風雨滄江戰伐秋種蠡  
昔聞生霸國猶能嘗膽雪  
深仇

浮江

滔滔大江水終古無時休  
自從開闢來積此茫茫愁  
坤輿自云廣載之安能周  
自非沈冥士生世誰不憂  
遇物百感集蕩漭終無由  
何必衛洗馬臨波方淚流

太微

滄江不斷羽書飛  
野老占星望太微  
風后未隨軒夢出  
羽人猶覺

帝傍稀

中興天贊神靈業  
薄伐雷行震疊威  
奮武何難銷亂略

廟謨雄斷在

宵衣

病中志惕

自余遘楫養憂切  
倚閭心親老慈彌  
篤兒疏咎實深自  
期歸信宿猶涉病  
侵尋小愈卽趨侍  
從茲跬步欽

病聞鄂州水軍大捷

閉門節序丹榴發臥病滄江白髮生忽報奇兵焚賊艦遙傳  
殘孽泣圍城天涯亂氣全當掃枕上沈疴頓自輕未覺頭年  
殊少壯猶思淬劍往屠鯨

贈鍾雲卿州佐

去家無百里襍被便之官目覩羽書急心傷兵氣殘潔廉持  
已少平易得民難薦達仍寥落栖遲且自安

楊厚菴軍門率水師東下所過悉毀賊壘縱火燔賊舟殆盡  
遂耀兵九江城而返賦詩以壯之

威名揚僕將飛舸下江雲旬日清千里中流仗一軍沿波屯  
壘掃夾岸舳艫焚剗盡鯨鯢窟居然蕩惡氛



頗似晉龍驤樓船勢莫當推鋒踰楚塞耀武偃潯陽雄略尤  
神速凶徒盡竄亡仍聞揮權返戰士一無傷

述往

破竹當年勢雄師頓上游臨機嗟不決江左劃鴻溝

旱甚嘲龍

轅耒村農望眼勞誰知萬井尙屯膏功能濟世翻忘世不信  
神龍遜桔槔

油雲盼斷大江濱空負飛騰尺木神日抱驪珠眼不起蠅蜓  
嘲汝亦常麟

憶隆兒郡中

汝往鶯呢樹流螢今又飛甫登弟子籍應念老夫歸客路炎  
歎甚江皋候火稀故園猶少事遄返慰庭闈

雜紀八絕句

白雲上天不作雨搖曳江外成丹霞翹首老農斷心骨可憐  
狡獪猶磨牙

私鬪團丁不能制化爲流賊敢縱橫修矛但欲資民力利器  
誰知藉寇兵

竄亡殘孽不盈千白挺潛行蟻穴穿道僻追師恆不及村墟  
流血已成川

被兵州邑

詔蠲租吏括民田更下符公斂縉錢充餼糈私傾膏血市金  
珠

巴峽以西至白帝石田亢旱閱三秋若非鹽利徧山藪百萬  
嗷嗷大可憂

軍興萬事日蕭條賈舶商塵氣盡凋安得今年早平賊瘡痍  
一切罷征徭

崇通巖邑當腰膂狼子須防窺伺心速遣一軍斷九嶺隱然  
虎豹在山林

農命軍儲仰歲豐但期元感與天通甲兵洗盡倉庾溢只在  
神功頃刻中

病起

病骨支離甚炎蒸尚怯風干戈雙淚眼江海一衰翁漸有扶  
藜態嗟無橫草功鯨鯢猶未殄恨滿大江東

枕上聽雨喜作

空外雨聲猶未至風聲已挾翻盆勢初聞浙瀝斷復連俄頃  
天瓢注平地犀軍萬弩金鼓鳴鐵騎蹴蹋沙場行漂疾震蕩  
未若此耳中但作波濤聲帝命百靈夜奔走萍翳當前豐隆  
後海倒江翻萬瀑飛溝奔渠溢百泉吼朝來老農定色喜喜  
見鷗鳧浴田水昨者稿禾今更青秀色郊原鬱然起沈牛醴  
酒酬龍宮嗟龍久矣貪天功由來上德不言德野老安知帝

何力

遲家孝鳳同年不至

君行南郡復東下  
踰月淹留尺素稀  
不少奇謀參幕府  
將無閒道訪親闈  
子臣忠孝丈夫事  
江漢安危天下機  
甚矣吾衰兼疾病  
暮情惟戀故山歸

鱗魚歎

櫻桃始熟江漲起  
舉網鱗魚初出水  
攜向通闈索值高  
江鄉俊味誇尤美  
漢臯嵯賈張瓊筵  
下箸惟求第一鮮  
一尾費緡三十貫  
金盤會客爭相延  
長蛇千里俄噓毒  
螫齒磨牙饜人肉  
昔日鳴鐘列鼎家  
勺食風塵日號哭  
只今梅雨麥秋初  
蓬

戶家家鑿若魚百錢便可購數尾多骨翻遭棄擲餘一物貴  
賤何足論殘黎誰縱豺狼吞老夫東望起三歎默然流涕悶

江漢

歸舟

病起向滄洲遄歸發桂舟岸平天顛豁江漲地疑浮漸少烽  
煙警差寬井里憂故山猿與鶴遲我返林邱

依韻酬虛舟大令

時危執手滄江畔風景新亭涕淚多措置軍儲功不易澄清  
天下計如何馳驅君壯同袍氣衰病予慙伏櫪歌旅客歸人  
共翹首汀洲唯盼捷書過

百柱堂全集

卷十六

七

答胡東谷孝廉

通才懷賈傅，亢直慕袁絲。  
憔悴公車下，飄零戎馬時。  
論交如舊識，決策獨深知。  
傾蓋便分手，空吟蔓草詩。

說坐

衮衮仍避暑，一榻晚風支。  
深樹蟬吟細，長天鶴去遲。  
身勞防物役，性簡慮神疲。  
寂寞原吾好，非徒攝衛宜。

意遂至茅江問疾別後卻寄二首

浮舟來視疾，風義最難忘。  
越宿黯然別，此情江水長。  
漸衰宜屏慮，小愈已還鄉。  
書報應相慰，吾今赴草堂。

之子眈高隱，幽栖物外情。  
竹陰籠澗影，松籟入江聲。  
野興涼

初愜詩心澹更清幾時仍汎艇過我訪柴荆

酬雲卿州佐

鄂城殘孽是亡期旅客滄江病起時歸慰高堂開笑口篋中  
廉吏贈行詩

連日雲陰密布無雨輒散

但解遮空不作霖無端出岫更何心虛名殷浩登朝日孤負  
蒼生屬望深

季高芝房意城鄂生兵後以書存問先後繼至喜賦一律

執友殷勤訊轉逢干戈無恙一衰翁音書次第千山外生死  
驚疑數載中英傑難忘金石貫亂離將定道途通樓船卽掃



長鯨窟江海書車卜大同

酬譚荔仙三首

蹇劣乏時用旅病方支離足音喜俊彥訪我滄江湄自云赴  
戎幕往效白羽塵觀君氣彌壯願我神多疲五兵在胸中未  
吐縱橫奇惜別但目送奄忽飛雲馳

迢迢雙鯉魚貽我看山句維舟訪做廬造門適未遇青山延  
逸人蒼翠宛相赴野鷓諧幽棕浦禽引遐慕興盡不復留黯  
黯遠煙暮登艦揖山僧滄波擊楫去

熊湘號才藪縞紵多雅游吾子晚相識傾襟殊網繆閉門究  
風雅思與作者儔孤情屏妍媸峻詣窮雕鏤貽書辱下問商

推遜相求予非卞和目願剖荆山璆

寄答曾少固

時在鄂州軍中主餽

書生投筆濟憂危心計尤承幕府知  
獨向艱難充餽餽猶聞涕淚閱瘡痍  
勞深軍市持籌夕秋近天河洗甲時  
媿我論才非管樂報君休訝出山遲

輓浴吾

窮奇誇老壽才子奪天年眞宰殊難問  
斯人不少延膏育嬰二豎文藻闕重泉  
頭白哀英俊茫茫愴逝川不見休文久  
傳聞日以疴家貧艱藥物病劇迫干戈  
賓客談游少生徒謝遣多亦知勤攝養  
算促奈君何

予歌屯尾日避地走山中幸遇孫賓石能爲臯伯通深心傾  
蓋愜高義斷金同疇昔聯吟地悲涼蕙帷空

又追悼二首

聯袂扁舟訪隱淪足音空谷意何親蓬蒿秋掩元卿徑二仲  
羊求少一人

今春曾偕  
意遷見訪

姚氏山堂同避地舊游石上長莓苔松篁歲歲連雲綠不見  
題詩沈秀才

七月八日喜雨

先一日立秋

快意無如此炎威一雨收郊原初灑潤林壑頓吟秋回斡機  
何速推遷候若流悵焚欣已解還望甲兵休

秋暑轉甚

羲和振策赤龍騰七月炎歊倍鬱蒸正苦轉輸猶未罷何堪  
兵旱復相乘翻盆欲瀉銀河水滌盆誰分玉井冰莫訝蘊隆  
何太甚天將憂閔助

中興

戊角

鐵甕金陵何有哉頻年毒霧掃難開時平形勝輕天塹計失  
縱橫騁盜魁大憝終梟狼虎谷愁雲猶壓鳳凰臺傳聞左次  
無堅壁日夜西風戊角哀

黃巢死於狼虎谷

閔旱

秋野驚如藉俄興四岳雲但能工掩蔽未解救悞焚匱匪垂  
綃幕須臾曳錦文垂天徒有勢破塊竟無聞

賈雲

鼠鼠三素采縹緲九霄邊觸石因何事屯膏職爾愆徒歌嗽  
野什未起築巖賢膚寸皆靈澤乘高詎少權

江表

孫恩骨擲滄波裏侯景頭藏武庫中江表阻兵徒跋扈古來  
覆轍盡奸雄豺狼猶縱生民禍貔虎誰高將帥功天助  
中興方撥亂待歌常武賦車攻

丙辰中秋夕

中天桂影倍婆娑，奈此良宵三五何。  
七寶頓驚仙闕湧，九州猶照戰場多。  
流光容易凋青鬢，痛飲相期卷白波。  
爲想亂離逢此夕，淒涼幾處罷笙歌。

白螺磯曉發

涼逼篷窗露氣清，曉鴻聲雜櫂歌聲。  
躔分日月東西見，秋老江湖吐納平。  
往事沙邊餘戰壘，徂年川上感浮生。  
烽煙未息頭空白，惆悵孤帆更遠征。

三江口

江與沅澧合流處，今爲荆河腦。

析地分荆岳，浮天控澧沅。  
岸危連樹坼，江悍挾湖奔。  
野市荒墟落，漁舟長子孫。  
水軍爭戰地，扼要尙堪論。

漲落

我行西泝江兩岸駭秋漲浮天流向東厥勢何雄放越宿驗  
沙痕消落頓殊狀天道有盈虛倚伏理無亢羸項矜詐力顛  
蹶盡霸王何況述與躡身首不獲葬世運偶屯艱狂鯨敢跋  
浪靜觀消長閒停橈默惆悵

守風石首

江至此折而東諺有南風兩利北風兩泊之語

泝流多逆風縈回厯枉渚來去盡維舟不得發柔艣諺語信  
有徵此地兩成阻葭菼彌長洲瓜壺蔓野圃浙浙波漱沙蕭  
蕭岸沈雨天長汀鳥歸露下草蟲語秋色驚蒼涼客心厭行  
旅隔岸繡林山窺波漾容與野老尙相誇誰辨劉郎浦已矣

英雄人俛仰倏千古

泊楊河

涼風已度隄邊柳斜日猶銜嶺上雲津路去來千艇集江形  
向背一洲分沙壩漲落痕初斂水國天空響易聞欲覓當陽  
閘沒迹無人能道晉家勳杜預起楊水達巴陵內瀾重湖之  
險外通零桂之漕疑此或其遺跡  
今湮沒  
久矣

楊河晚眺

秋色成孤迥飛來白鷺羣遙峰延落日疏雨送歸雲全力江  
形折中流樹色分客心正搖落空籟更多聞

寄金洲夜泊



北望沙頭市帆檣上下停歌騰終夕管鐙亂一江星野泊憐  
荒寂羈懷寄杳冥昔傳洲九十誰復證圖經

次日大風不得渡

咫尺不能渡橫空蹴勁颿危聲盡沸塔蟲勢如搖歎沫回  
成雨飛蓬卷入霄沙灘雙鷺立爲爾且停橈

讀平準書

楊可告緡徧天下滿山羣盜日縱橫軍興不濟時方旱何惜  
宏羊未見烹

風鶴

高城雄壓萬山秋士馬當年南雍州豈謂杯蛇能致誤翻然

風鶴浪生憂威名韋叡殊難得靜鎮王商未可求網罟似聞

傷竭澤莫令桑孔競持籌

漢書王商傳建始三年秋京師民無故相驚言大水至長安中大亂

大將軍鳳以爲太后與上及後宮可御船令吏民上長安城避水商獨曰此訛言也上乃止有頃稍定問之果訛言

自夏五月至秋九月既望始雨民乃種麥

非雨麥難種況兼輦鼓音無能魁眾命但遺鎮人心未耜聞  
多鬻租繒恐未任幾時洗兵馬十畝樂桑陰

虎門觀海歌爲譚荔仙作

奇氣胸中小雲夢扶胥一夜神風送天池潮汐來無垠萬象  
端倪駭瀕洞虎門高峙滄波開南溟仗此誇雄關誰遣重洋  
委局鑰蛟蜃蹴動波連山樓船戰血灑秋雨至今壯士多愁

顏歸來夢謁祝融峰手攬七十二芙蓉  
悅登紫蓋望遠海飛來海氣猶盪胸  
海波未定湘波沸  
猊磨牙縱狂噬毒氛  
徧東南天莫問金陵龍虎氣  
金陵東接海悠悠西上還連江  
漢流鯨鯢京觀久未築  
塗炭空悲數十州嗚呼禍萌起  
海微方鎮何人制羣盜義旗討逆  
唯南軍君也撫劔復長嘯曾控  
毛車滄海回氣吞么麼何有哉  
中流自奮擊楫志萬里原推  
破浪才只今幕府借奇策  
莫漫扁舟逐少伯洗兵待挽長江  
波去作釣鼇海上客

詠馬季長

登堂罕見趙臺卿面責偏逢吳季英  
奢樂但償飢困悔達生

誰悟是虛生

權門草奏忍操觚爲惜無貲七尺軀  
軀未滅時名早滅勿嘆何獨笑愚夫

雨夜懷孝鳳沙津

風雨雜悲鳴高秋旅客驚此時方起舞  
忠孝淚縱橫宿雁寒多唳荒雞夜有聲  
懷人吾不寐相望阻高城

贈鄭子春園

渚宮有修士汲古得膏腴才子高陽里  
先生裘氏儒懷文老

蓬華讀史薙榛蕪晚遇孫陽顧驂駟始過都

有子八人著元明二史提要今

歲始受知於學使馮公

奔走空皮骨沙頭屢過君烽塵驚浩劫衡泌抱遺文問字時  
攜酒懷鉛日策勳高閒吾羨汝舒卷碧天雲

題春園吟草

歌粵皆天籟英華總道腴漉巾陶靖節擊壤邵堯夫春水生  
難遏流雲淡欲無卷中此真意自與俗情殊

追和儀徵阮相國彝陵峽口望蜀江七律原韻

當年節鉞擅詞宗西望青天鳥道重吹角連營肅貔虎揮毫  
傾峽走蛟龍高名已峻三台望絕唱猶留萬仞峰定有精靈  
懸列宿玉京朝帝把芙蓉

感興

白日馳西海誰能挽  
逝波紛紛看墜葉不復返  
高柯總道商聲厲將如勁草何  
亮懷金石性豈畏雪霜多

隱几

隱几蕭齋寂何來步履行不知  
林葉墮猶誤履  
藁聲日夕商颯厲飄零客感生  
傳聞多市虎或恐遂縱橫

時有樊城之警

軍門向公薨於金陵行營

登壇老將用廉頗起自征鬻馬伏波竟隕大星  
諸葛墨空揮落日魯陽戈  
飢疲遠鬪孤軍壯力疾開營百戰多  
遺表但陳攻取略澄清未遂恨如何

八年振甲翦豺獍千里長城捍楚吳  
僧辨大功多贈躋盧循

狂孽未梟誅虎臣先後傷零落賊賊縱橫逞毒痛驚將仍聞  
麾下起驍騰當許繼公無

謂張軍門國棟

聞賊酋楊逆爲其黨所屠

洛周終被葛榮屠翟讓還爲李密圖可惜梟夷猶假手不曾  
都市伏

天誅

董卓高居萬歲陽伯珪積穀百樓雄誰知禍發無遺種卽在  
金城鐵室中

死爲逆鬼空遺臭天網何曾得遁刑肉餉豺豕猶不食山川  
難洗秣陵腥

同惡相殘羿與澆蚩尤貳負死安逃滔天凶勢終如此何況  
么麼但爾曹

門鬣先開各自疑窮城猜隙衆心離推鋒速進當乘亂天與  
翠巢掃穴期

紛紛脇掠盡齊民歸命還依覆載仁自窮凶渠同解甲

恩萬一下

丹宸

仲遠太守有看菊之招卽席賦此

常年菊不過秋期今歲花開爲底遲落落本無諧俗韻亭亭  
真有傲霜枝風塵格鬪愁顏際英傑艱難晚節時相對漉巾



聊作達爲君痛飲更何辭

志喜口號

鄉下棘奴蠶羯種平陽斬準翦劉宗近來粵賊相屠盡稔惡  
同歸覆轍凶

祇蛇噬毒徧山川八載人神憤未宜凶運枯楊能有幾火龍

太歲直今年

年來江干楊柳無故盡枯此逆賊楊秀清將亡之兆術者占賊滅有火龍一照便銷滅之讖今

歲墜在丙辰

此語竟驗

縱然鞮裂汝猶逃逆鬼天陰不敢號莫遣山川蒙穢惡速傾

江海蕩腥臊

檻車雖未俘元惡京觀還當戮逆骸梟鏡不堪污斧鑕休教

穢血濺

天街

三山牛首壯高秋雙闕天門峙上游狼滅方懸弧矢耀龍蟠  
還屬

帝王州

秣陵城下大軍來江表歡聲沸若雷紀績自歸熊虎將饗軍  
應上鳳凰臺

操戈假手蕩祇氛捷騎飛騰露布聞惆悵南來諸將士奇功  
未出上游軍

一人競業正乾坤

嗣服殷憂濟世屯齊頌咸豐

天子聖

中興七葉在

神孫

汝輩么麼輒聞干觸山追日恃凶殘判劊一旦如羊豕萬世  
奸雄膽盡寒

蠻奴逆種始芟夷湯火殘黎僅孑遺欲得百千元結輩吹噓  
枯朽起瘡痍

猶煩聖慮在平吳款款羊公效遠謨敬勝丹書誰獻納萬年  
無逸綵

蘿圖

眼看江海再澄清八表煙塵不復驚  
華髮潛郎甘樂死山游水汎送餘生

讀後漢書

脂膏肢削競充囊擾擾狐狸滿道旁  
千載埋輪人不作誰持一疏懾豺狼

讀史

牛大千斤難負重坐談不解事機乘悠悠往事無窮恨如此  
山川付景升桓温云劉景升有大牛重千斤噉芻豆倍於常牛負重致遠曾不若一羸特魏武殺以享軍士  
當日并州將亦稀舉鞭誰復問戎機  
高城寂寂惟長閉絕似

山公酩酊歸

威聲羊杜播南疆和季功名冠一方晉室崎嶇江表日猶聞  
經略重襄陽

盡殄殘曾第五猗王如驍悍亦誅夷威行汪漢清南夏處仲  
當年信可兒

郡城客感

登樓斜日思何窮征雁寥寥下渚宮霸氣昔高江漢上雄城  
今臥水雲中騷人惜誦孤芳渺詞客哀時異代同節候近來  
驚獨變霜天爭試紙鳶風

年來冬令城上爭放紙鳶

霜晨

策策復蕭蕭，霜晨葉盡飄。  
微權在威信，大化有榮彫。  
壩助山家火，擔盈谷口樵。  
君看松與柏，千尺竦貞標。

白沙市晚歸郡城

參差亭堠夕，陽明擾擾塵。  
中各有營來，去昏鴉亦相競。  
半栖村郭半歸城。

次韻和竺嶺同年游清溪之作

君向高峰躡紫煙，清溪洞口俯飛泉。  
四山霹靂喧空際，百道虹霓落眼前。  
滌蕩已堪銷世累，飛甜誰復誦遺篇。  
招提卽在雲巖側，借取僧寮自在眠。

題詩邱壑意超然，興發看山不用錢。  
舊約同盟丹嶂外，清游

獨踞白雲邊空思塵境逃名地未卜山靈識面年何日隨君  
償夙諾們難深處問安禪

展雲學士再試施州賦詩示多士門下羣英斐然繼和彙爲  
一卷旋節南郡出以見示卽次原韻率題二首

大雅陽春唱高軒使者駢儒林充藥籠蠻部繡弓衣承蓋趨  
翠彥儲才盛兩闈夜郎山澤氣珠玉吐奇暉

荒陬聞鳳噦挾藻等鴻翩翹秀成因匠同舟望若仙元音流  
遠徼冬嶺變春妍僻陋尊山斗湖陽化並傳

張仲遠同年屬題海客琴尊第二圖

殊方替雨隔滄溟重向都門倒玉瓶槎客相逢還欲笑兩回

天上賦張星

仙臈飛下楚雲端平壤歸帆路渺漫各憶題襟舊游地回頭  
紅日近長安

園中座客皆吾友

良甫頌南  
伯厚石洲

落月梁閒若可招存歿杳然如

夢裏離懷何但海天遙

重泊楊河

繫船曾幾日霜葉下空林沙析寒江細煙韜夕岫深角聲傳  
朔氣舟語聚南音側想門閤望方勞歲暮心

江漢告平賦詩紀績

楚氓奇禍最煩冤三度殘黎恣并吞今日更看蛇豕輩號天



泣地脫無門

屏卒三千來閒道馳援首仗益陽公焦頭獨犯燎原禍喋血  
終收壯拯功

百金選士盡熊貔開府中丞大治師壁壘雄嚴無敢犯臨淮  
威令變旌旗

破陣威聲疾若雷羅公雖沒李公來書生繼踵多韓白復楚  
功還屬楚才

南來楊帥將矍矍飛棹親富矢石衝奪取長江一千里龍驤  
信是水中龍

窟穴窮城兩載餘朝朝流血動成渠啖屍索戰無降意凶性

豺狼死不除

密壑長圍計已成糧援告斷賊方驚狂鯨悍兕矜牙角變作  
枯魚只泣聲

乘閫一鼓殄凶頑戰士征袍血盡殷肩髀冢當鸚鵡渡澗澗  
臺並鳳凰山

羅公精氣尾箕懸未及江城滅賊年披髮麾兵如助戰瑯戈  
親督陣雲前

河山戮力仗羣公南北收城一日同持與朝廷還鎖鑰依然  
江漢楚雄風

凶渠白下已前死飢困游魂詎得長追日觸山空恃力到頭

無策救天亡

破竹威騰水陸軍上游匡復作桓文英豪欲竟分憂事不拔  
金陵不策勲

江漢之禍烈矣亂定後遙賦二絕志哀

城郭人民盡已非茫茫仙佛亦安歸高樓併逐咸陽炬遼海  
何年鶴更飛

二郡蕭然荆棘裏縱橫賊壘徧郊坰鯨鯢血作江中水風雨  
寒濤不斷腥

嚴關丁巳

乍報黑山踰錫穴俄聞青嶺犯夷陵亦知殘孽非難翦誰道

嚴關未可憑，歲歉流庸爭。煽掠春寒雨，雪盛凌兢紀。南岌岌，連脣齒。西上援師利速乘。

兵家

兵家蹈瑕隙，疾若鷲鳥翔。明哲有時蔽，利鈍爭毫芒。高歡破黑獺，不用陳元康。兩雄角歲月，所競霸與王。乘勝利速進，席卷誰能當。雖挾干鈞弩，亦恃機牙張。日中有必燹，趨時先者強。智勇一不斷，後乃受其殃。事會盡如此，拊膺徒慨慷。

春登陸城馬鞍山

千岩繞郭勢如虹，表裏江湖一望通。盎盎春浮花柳外，亭亭山拔水雲中。荆衡並倚關局固，沔鄂遙資控帶雄。莫指沙邊

詢故壘長蛇餘毒恨何窮

憩嘉祐寺

招提沿宋代郊郭遠塵氛盡日祇清梵好山多白雲欲參眞  
諦妙暫息世緣紛花落僧無語忘言對夕曛

陸城東郊延眺

波影浮山翠濛濛浸遠蕪東風吹衆綠作意媚晴湖灼灼野  
桃笑垂垂煙柳扶春雲留不散亦戀此城隅

題馱初吟草

十年嗟分張一見甫邂逅示我盈帙詩山游駭奇構奪命鋒  
刃閒狂走類猿狄逼人窮山中轉與勝境奏驚魂脫死亡幽

賞賦靈秀攬之入胸懷造化不能囿巨刃高摩天橫決白雲  
竄向來神鬼扁一旦發其覆輿慙遂長吟餘聲振岩岫險絕  
驚超騰天然謝刻鏤我取諷未終清如鳴玉漱天方窮子身  
子才轉益富勿怪坎壞多時命固大謬

李生叔篋見訪山中喜賦二首

侯官門下見奇童待控扶搖萬里風誰料煙塵生寓縣遽驚  
文物變兵戎關心各悵音書阻握手何期道路通亂後滄江  
能命駕遠勞存問慰衰翁

生曾爲林文忠公招  
致幕中林侯官人

河山戰骨委荆榛郡國儒冠託隱淪八載乾坤纏寇盜一尊  
風雪話悲辛暫從地僻諧鷗鷺終擬時清作鳳麟好繫扁舟

無遠發小園花柳正留人

吁嗟行

金陵內鬻當乘亂神武臨機仗雄斷濟師埽穴如拾遺一舉  
威行速雷電梟獍今猶盜建康不聞處分佐

朝堂吁嗟帷幄謀臣少才略空思李贊皇

山園對牡丹惘然追悼

昔年曾值牡丹時愛惜風光索賦詩頭白只今才欲盡對花  
空有斷腸詞

曾記花開每並看一枝今倚墓門寒東風日暮晚鶻急細雨  
春紅泣牡丹

過圓通寺經行茂林中

千林團綠海不辨寺門蹊歲古拳雲健山深得氣齊蒸芝疑  
伏獸引蔓駭垂覓鐘磬寂無響惟聞谷鳥嘍

贈鄆友石

桂林人客游臨湘曾率土團擣賊於藥姑山有奇功

少年談笑起書生決策親探虎穴行半夜旌旗超絕險九天  
風雪下神兵買牛編戶銷刀劍立馬懸崖勒姓名斗酒歸來  
歌破陣還將雄筆戰詞英

飛揚見爾不羈人一權滄江訪隱淪早料虎頭終必貴尙憐  
龍性總難馴山齋慷慨論兵地天意蒼茫鬪將辰草澤何嘗  
無願收幾時傳



詔索麒麟

觀瀨

混混崑源壯滔滔夢澤連  
高春天闕近回蹠地輿旋  
擊楫英雄志乘機將帥權  
三山帆直指何不下樓船

適園覽江流壯甚有萬里之勢

岷江洞庭合流於此

數笏適園地滄波瞰不窮  
坤輿縈匹練天鏡落雙虹  
萬壑浮雲表千帆出樹中  
回瀾聞噴薄何異呂梁洪

李南生大令餽雙井茶詩以謝之

仙吏東來餉春茗碧芽片片出  
雙井靈芽猶帶匡廬雲炎歊  
頓化清涼境我向滄江理釣筒  
校書草制百無功未是玉堂

蘇學士居然嘉惠拜涪翁

山谷以雙井茶贈蘇子瞻有詩

江流萬里何壯哉滔滔雪水峨眉來負瓢取汲自烹茗紙盞乍沸圓花開火雲垂天若屏障起滌冰甌神忽王惜無宏景三層樓臥聽松濤吹萬丈

亂來道路梗南北四方佳茗苦難得感君分惠碧雲腴令我熱惱蕩胸臆隲儿俯然謝俗氛筆牀茶竈對斜曛甘回舌本風生腋只誦人閒冰雪文

忽憶東征諸將士連營萬竈炎雲裏枕戈揮汗夜不眠穿井掬飲半泥水誰輦萬甕致軍前徧斟甘露皆洒然書生何補默自愧方訂茶經更品泉

本堂集卷一  
晚坐風雨驟至

是日立秋

倏起片雲黑破空風雨驚纔收炎暑退旋送月華明張弛神  
難測機權運若輕候蟲階下語秋意覺潛生

傷歌行

干將擊斷取犀利鶖隼摩空百鳥避折鋒鍛翮胡爲哉俊物  
翻遭流俗忌才非權勢難用奇權勢所居謗輒隨君不見衛  
鞅車裂白起戮古來功名安可爲

秋漲

江漲乘金氣浮天挾混茫俄然變消落可以戒強梁鼃龜休  
寧躍蛟龍漫自狂順流終向若何不凜尊王

漫成

蝗不爲災潦漸平齊安近報振軍聲  
儲夫暫遣胸中屬沙村  
風清夢亦清

咸豐七年秋中丞益陽胡公有減漕之令  
觀察張公仲遠持節行郡國所過延見吏民遂定其議  
此大計也非止取便一時將爲國美利萬世無窮已異日國史志食貨必有取焉輒賦詩美二公以備采風

楊炎變兩稅法簡號爲美庸調併歸租農病自茲起國家都  
范楊轉粟東南倚沂江入河淮挽舟數千里官吏暨漕卒萬  
弊萃穴蠹凡用十六金乃致一石米濟運歲治河費尙不在

此自從盜賊興三農棄耒耜益以水旱災迫呼困欲死賦額踰經常大權在府史上齒

國穗稔下飫民膏髓中飽歸若曹毒倍萬封豕嗚呼我農人安得保妻子桓桓中丞公百戰靖南紀拔出水火民惻然閔瘡痍定議除倍征權衡協張弛疾痛旣用紓京抵亦以痔使君贊大猷酌中共一揆攬轡持節行郡國遂厯抵所至延吏民詢謀衷諸是民無杼柚空官不乏公使令下流水原歡聲徧遠邇漕做數百年蛆食未有止中丞與使君改絃乃更理一旦清其源沙汰江河洗決策排羣言定力岱衡峙乃知經國猷宏毅大賢恃水激則生湍法做必復始兩賢與時遭回

幹亦何駛他日輦輕齎潛河兩可止歲省費無涯利垂千萬  
祀咸豐七載秋權輿自楚啟吾儕見寬法浩蕩樂無比將欲  
補食貨才匪孟堅擬作詩美兩公賦法志原委上有稷契臣  
康哉今可俟

雜言二首

昔在大庭世恬澹貴無爲獸羣可驚游鵲巢可俯窺德失有  
仁義瀟樸化澆漓賦茅倏喜怒術挾狙公欺履豨揣肥瘠監  
市無不知銜轡啟詭竊伯樂寶使之誠慤苟未固誓諾皆虛  
詞立信募徙木懸金人愈疑不以智治國老氏言可師標枝  
與野鹿逸矣安能期

同心喻斷金論交在古處丹青終不渝肝膽皆可吐末俗託  
同岑芬華若蘅杜外言貫神明中款祕深阻山海千萬重不  
足喻城府公孫詐爲忠張湯智善舞萬乘尙蒙欺況乃交游  
侶慙哉汲長孺發憤竟何補

答李香洲兼題其栖雲山房詩卷

油油山上雲蒸泄無定姿涓涓谷中泉匯爲千頃陂雲泉爾  
何意有似香洲詩意足不外假疾若風雨馳意盡忽然止純  
任天機爲句萌動百卉受命春雨時益益盡生氣化工初無  
私妍芳逞萬態在物曾不知比興肇六義胚胎亦若斯真氣  
取諸內奚勞凋琢詞

其二

山居玩松石庭戶生雲煙朋來或三五命酌皆陶然酒酣發  
高詠興文動成篇凌雲縱未遇鳳逸何翩翩妖星照旬始徧  
地皆戈鋌世運有屯蹇天道誠幽元疇昔嘯歌日樂事何其  
偏新吟變悲咤慷慨如幽燕引領望商岫芝華不可攀

其三

曰余性疏拙所挾猶鉛刀空然抱孤憤悲歌宣鬱陶辟書在  
軍府虛名安敢叨贈言辱推獎勸駕意何勞方今盛才傑頗  
收揚旌旄潛夫守章句未諳龍豹韜鷹揚望諸將無使鯨鯢  
逃烽塵靖江海鼓臥弓載橐老矣燭之武請甘蓬與蒿



泊蛟尾

風水交相滯輕橈力未任沙光搖澈尾日色澹湖心斂翮巢  
中隼號羣浦上禽潛蛟疑出舞終夕助哀吟

長湖曉發

雲淨懸天鏡波明湧日華樹迎帆卓立岡逐浦回斜曉夢留  
鷗社新寒偏雁沙遙看楓與櫟丹彩欲成霞

是日舟行甚速

昨日逆風夜不止今行順流及百里利鈍由來轉瞬閒昨何  
濡滯今何駛孔墨栖栖道路邊一生遇主嗟無緣時來屠沽  
亦將相不問賢愚只問天

舟行卽目

寒日蕭蕭景清流曲曲波植篁圍筍密臥柳覆船多歲晚農  
方息年豐氣盡和津途慚物役歸興屬松蘿

渡白鷺湖

郡西諸水承三海下匯菘湖兩邑分秔稻十年成沃壤葑蒲  
一色入寒雲鷗鳧泛泛終無意鴻鵠冥冥自不羣疇昔壯心  
零落盡岸楓相對下紛紛

觀音寺曉發

長隄曲折遠連村下隰初收野水痕林表寒光浮霧嶂人家  
曉色靜霜原亂餘劫火恩恩換潦後汗萊往往存聞說臺臣

行薄斂白頭垂涕感何言

時中丞胡公新下薄征之命

專征

虎踞龍蟠壯古今  
噓空虺毒壓雲深  
豈應臥榻容鼯睡  
忍對神州歎陸沈  
習戰樓船風正利  
上游戈甲勢如林  
專征盡盼中丞節  
歲鼓聲中聽捷音

洪湖舟中

勢吞江河昔何雄  
十載重經迥不同  
潦旱循環將化陸  
水天濯練並浮空  
荒葭折葦寒雲外  
征羽游鱗落照中  
冉冉川途當歲暮  
鬢毛蕭颯久如蓬

十月虹兒

舟至古隄口曉窗見之蓋十月十八日也

十月虹猶見垂天作錦雯  
晴收湖外雨曉障日東雲  
孰辨災祥氣宜推洪範文  
得無干政象未可釋憂勤

再過白鷺湖

昔年驚濤汧近歲樂豐穰  
烏鳥充菱芡人家足稻粱  
漸看廬井聚何慮草萊荒  
靜念推遷理平陂孰主張

霜樹

歲晚農家事事閒  
清流曲折抱柴關  
門前霜樹皆成錦  
迤邐丹黃紫翠閒

舟次漫興

自笑浮生未許閒  
塵容來往魏湖山  
年光曉角宵檠裏  
詩思

風帆雨櫂閒泉石微書勞幕府雲霄清夢隔朝班少微垂象  
非難辨徹夜分明照楚關

曉渡襄湖

旭日破湖煙湖光淨可憐客心喜蕭曠風物助清妍荇藻迎  
橈密桑榆合岸圓沙津知不遠一塔豔江天  
至潔不容唾吾尤愛此湖涵光千頃會鑒影一塵無皎皎素  
絲練沈沈白玉壺長纓宜濯此昭質豈能污

陟岵橋

陟岵勞瞻望人傳孝子橋繫余慟風木晏歲事征橈涕淚鯉  
庭斷風煙馬巖遙倚門念慈母霜鬢不勝彫

舟行書所見

舟經田壤中宛與陸行同忽見來帆轉方知去路通墮菱猶  
蔽渚衰葦尙連空報賽崇先齋村村荷歲豐

上中丞胡公三首

崎嶇功復楚顧盼氣吞吳赤羽當

朝寄丹心稟

廟謨令行王景略政寓管夷吾近喜寬征賦閭閻樂轉輸  
巨猾盜江東滔天羿浞同不聞膏斧鑕何以懾姦雄獎率桓  
文業寵除侃訪功四方今引領仗節屬元戎

秣馬趨鍾阜塵舟擣建康腹心先潰裂支黨自銷亡不待收

百柱堂全集

卷十六

七

滋浦無勞牧豫章煩公決奇策爲

國作鷹揚

拂鏡詞和九曾農部二首

醜女多憎鏡青銅久祕藏菱花忽高揭今日遇夷光  
易購盤龍鏡難逢絕代人東施同攬照安得可憐顰

黃鵠篇贈九曾

黃鵠爾何來乃自廣莫鄉矯翼一再舉足亂浮雲驪山州辨  
紆曲天地知圓方西徠邁窮石東發超扶桑問鵠何能爾天  
假六翮長浩蕩任所運適與扶搖將俊材挾憑藉可以凌八  
荒同處羽族內稟異殊尋常豈無翮飛者決起但槍枋鵠與

此曹謝仰視空茫茫

題龔子定論兵食書後

韓非疾浮淫牧之尙自治巖廊曾不聞蓬華獨流涕庸匠操  
斧斤般倖紂其智古今貉一邱傑士轉淪棄威鳳何飄搖哀  
鳴日垂翅嗚血灑江皋熒熒化爲字上陳折衝謨下述儲胥  
議昊天降疾威猊獠縱吞噬烽火半九州川原盡露馘日費  
千金財輿尸踵相繼前軼旣已傾後軫曾不慕孱卒充荷戈  
賈豎競言利瘡痍膏久枯竭瀝意仍銳介胄生蟣蝨縉租遲  
蝮驚御窮馬斯奔澤竭魚乃逝及今尙可圖盍不思變計濟  
軍先甦民龕亂首謀帥二端持宏綱闊略弛苛細白骨復肌



膚沈痼起癭痹折箠笞狼軀汎埽無餘事吁嗟

聞九重拜獻莫由致懷此慷慨詞韜之琅玕笥歲暮天風寒  
髮來但沈醉薦蓬竟何人潛夫以沒世

水仙操

詩合階下有水仙一叢婁江姚春木徵君所遺也閱  
十餘年矣屆冬故叢飄發揚翹作藜有遺世獨立之

致登之盆蓋藉慰寒愴念亡友同譜此  
曲徵君嘗自稱海上白石生故篇中及之

白石之仙兮刺船歸渺瑤琴兮海島琴聲斷兮滄海深委雜  
佩兮萸草芬至今其未沫兮化瓊藥而擢玉英操與潁陽比  
潔兮節與孤竹同清酌寒泉兮薦瑤斗歲旣晏兮天寒緝  
人之遺魄兮聳長劔與高冠斲冰兮積雪蘭爲柷兮桂爲  
仙涉江兮來止烽煙並海兮不可以久留

送展雲學士按試鄂州

驛路旌旗拂野梅，駢駘遙駐石城隈。滄桑陵墓詢遺老，

明時顯陵

在承天

兵火山川訪異才。白雪千秋高郢唱，雄風終古屬蘭臺。

從容使館多文譙，歲晏波寒阻未陪。

家箴三茂才持古鼎，易韓集先之以詩。依其數答之。

筆力能扛百斛鼎，超然玩好輒先屏。一生低首昌黎公，辦香  
直與斗山等。許田壁假古有之，持鼎易集吾何辭。便書萬本  
誦萬遍，石鼓歌與淮西碑。

去聖久遠不可求，攘排釋老尊魯鄒。公功固不在禹下，亦如  
鑄鼎安神州。韓門籍湜盡高足，效之絕贖踵相續。不從贗鼎

求詞華前有習之後永叔

子才英敏可適道入治精金在深造抗心希古自得師大器  
當爲天下寶我衰於世無重輕對子奇律嗟難廢夜闌石鼎  
倘聯句蚓竅或作蒼蠅鳴

將歸以益中水仙貽家箴三

煙波吾欲返未戴苾蘿姝頗念風霜夕愁侵冰雪膚瑤華持  
作贈錦石助相娛知爾懷清客塵埃滌早無

承聞瓜洲鎮江相繼克復 詔促諸道會攻金陵

整頓乾坤屬俊英赫山瓜步一時平天亡蠹賊窮憑穴

帝詔龍驤疾進兵江國縱觀招討使

王師振旅建康城東南  
龕亂資方鎮努力羣公唱義聲  
對雪有作

冬霽隔歲兆豐穰

聖主祈年格上蒼  
喜氣已傳騰捷騎嚴威可但殺遺蝗  
瑤京有路堪朝闕銀海無塵不待杭  
興發便思披鶴氅隔溪先訪野梅香

雪中答九曾農部

開函珠玉走縱橫  
逸氣如霏六出霏綵筆

先朝依北極陽春高唱動西清  
潛郎歸向滄洲臥郢曲工傳大雅聲  
夜半雄心思破陣何人縛賊蔡州城

百柱堂全集

卷十六

書

舟次大雪寄箴三星堂淵父耀卿諸子

大雪獨揚舲飛花舞未停  
八埏驚瀕洞萬象入空冥  
倦客歸途滯離筵宿酒醒  
諸君勞見憶應上望江亭

雪甚放舟

凋年孤櫂寒方厲倦緒滄洲感不窮  
雪勢風聲皆自北客心  
江水並趨東安身事業漁樵裏袖手謀謨道路中  
大壑深巖堪送老行藏原是鹿皮翁

雪霽

雪後空江靜晴雲欲射波  
春回寒岸淺霽放晚帆多  
鶴立辭腥腐鴻高謝畢羅  
猶慚江上櫂未許老煙蘿

舟過石首

拱揖歲寒友蒼顏識繡林

山名

雲根栖岫冷峰影倒江深荒

堞憑樵磴中巖落梵音長風方送客揮手別遙岑

調弦口晚步玩隔溪山色

飛翠墮郊原嵐光蕩夕昏野環青玉案天抱碧雲村春入融  
膏壤溪明寫黛痕看山竟忘倦栖鳥不聞喧

江行望華容諸山

幽尙古高士孱顏數老人覲君寒木表送我大江濱雪閣瑤  
芝秀雲封玉笥春何年躡丹磴築宅許爲鄰

舟次漫成

歸舟遙共大江東直下滔滔日夜同歧渚曲迷南北岸峭帆  
橫織往來風乾坤盜賊何由息山海租糶未覺充

國有虎臣當奮武早銷金甲撫疲癯

中流風勢甚逆

風起中流阻客歸浪花吹雪濺征衣長蛟慣作磨牙怒未識  
荆人有飲飛

雨泊

荒汀雜客艇寒雨滯歸程靜處覺蓬滴空中聞鷓聲車帷愁  
閉置劔匣鬱縱橫天末羈鴻唳因之寄遠情

舟中雪眺作歌遣興

寒林兩岸浩無迹一夜梨花照天白春風幾日何處來讓出  
清華贈歸客歸客壯游恆去家年年羈思滯天涯平生看雪  
奇絕處到今飛夢登雲車蓮花西嶽高插天隴首冰浮涇渭  
川

帝京鳳闕何巍然西山玉龍臥蜿蜒是時胸中蕩灑氣欲控  
銀蚪超八埏瑤臺閬苑何曾隔琪樹蓬萊安足妍只今豪氣  
漸潦倒凋年飢走滄江道但餘霜雪照頭顱豈有瓊瑤餐懷  
抱水妃江神縱玉戲爭向歸人鬪才思老矣惟思臥故園騁  
新抽祕非吾事白頭慈母倚柴關稚子日候征人還風定挂  
帆便歸去臥看松雪滿晴山



歸權

歸權連朝阻石尤雪花如掌撲征裘長空黯黯無飛鳥惟見  
滄江動地流

雪後順流看山

雪後山容肅端然朝太清勢扶天柱峻光捧日華明列笏參  
差立層臺刻畫成半空有鸞鶴借我謁瑤京

曉見南岸諸山

蓬窗侵曉望無數好山過幸此道途滯旣予沖秀多雲梯猶  
縹緲世網只蹉跎軒冕眞塵土吾終老澗阿

舟經車灣感賦

排山濁浪撼衝車，歲歲新茨等擲虛。爭地可憐勞捧土，灑涼  
誰解議廝渠。決躡虎怒威難制，塞口兒噉計總疏。上策何人  
師賈讓，閭川澤盡安居。

微雨

雲葉微含雨，江潭已覺春。多情如送暖，無迹只留塵。曠遠岸  
旌失空濛，山有神沙鷗忽驚起，知是渡旁人。

江潭倦客行

君不見雲化峨眉山下，水西來浩浩幾千里。貫楚趨吳赴海  
門，波濤日送遠游子。達官巨估桂爲舟，金管銀尊不解愁。花  
光散泛芙蓉渚，草色春香杜若洲。江潭倦客飄零久，繫纜年

年 柳敢誇擊楫誓澄清未擬浮槎問星斗頻年挾策干  
龍鬣不見琯戈指建康憂深漆室惟悲嘯涕下新亭獨慨慷  
羈旅文章計總非扁舟留滯未能歸盤渦不避鼉鼉怒浩蕩  
終隨鷗鳥飛誰家大艣艤江側美酒彈箏縱六博征帆雨雪  
更迢遙卻向天涯笑倦客倦客沈吟淚滿巾家山歸去物華  
春歸時看取繁霜鬢老盡風波江上人  
聽雨不寐

羈客殘年江上舟坐聽風雨咽寒流不知江水深多少可抵  
征人一夜愁

歸舟逼除尚滯風雨書此寄耀卿

只言游子解征裝  
卮酒從容侍北堂  
十日征程九風雨  
誰知漂泊尙他鄉

夜闌風益厲  
繼以霰

飛雹穿窗萬弩驚  
顛風夜蹴怒濤聲  
龍愁鼉憤知何事  
直爲英雄吐不平

曉霽解纜

始值張帆樂無煩  
擊楫勞曦陽射沙  
汭宿雨淨江皋  
通齋原無定行藏  
任所遭扣弦發高  
唱清興亦何豪

舟至觀音洲  
風逆不得發  
遂泊焉時除前二日也

江程半日卽柴扉  
梅蘂山園帶雪飛  
寄語石尤休作劇  
明朝

猶是歲前歸

望三江口

江湖清濁會同赴海門深豪傑包容度忠勤翼戴心朝宗猶  
共禦寇盜敢相侵漸喜東南定舟航達費琛

阻風排悶戲作

急霰寒煙黯遠空飛飛鷺舞浪花中滄洲自笑停橈客贈贈  
爰居日避風

津女操舟過孟賁輕帆一葉逐濤奔中流獨狎陽侯怒縱有  
蛟龍不敢吞

感事作

虺毒稍看江國解鯨喙又報海波揚投文豈是難驅鯨憑堞  
何爲易喪羊五等崇封兼使相三台上將應文昌怱怱出頓  
如兒戲南顧憂誰釋

廟堂

舟次寄展雲學士

維舟一別便重山寒柳津亭忍獨攀太史周南連歲滯客星  
江上逐春寒五羊城闕烽煙裏

雙鳳樓臺霄漢閒懷土望京情不淺知君未易豁愁顏  
歸舟久滯歌以自遣

送我歸者長江之水日夜流阻我歸者北風雨雪無時休巨

龍跨海戴山岳安得駕彼凌滄洲披衣中夜浩歌發歌聲直  
撼蛟龍窟箴中彩鳳謝騰騫樞下飛黃失超忽茫茫之憂壯  
如川迢迢之夜寂如年丈夫處世但離齷何時長劍倚青天  
夜聞霰聲不止

密霰橫空布陣齊寒濤嗚咽作征鼙龍宮不惜珠千斛強弩  
三更戰水犀

除日舟中

來日光陰催去日舊年風雨久新年家山到眼猶難達身事  
回頭祇自憐秦隴幽燕思昨夢舟車冰雪送華顛抽簪未定  
躬耕計歲暮飄搖道路邊

吾友節逸齋觀察奇士也今年冬仲戰歿撫州城下其兄子  
與焉除夕孤舟寂坐無聊輒賦二詩以述予慟

承明才子氣飛揚繡斧南來過豫章不樂鳴珂陪仗馬卻思  
抽箭射天狼驅車孟博風原峻橫草終軍志可傷未遣飛書  
題露布遽嗟哀革殞沙場

晉書

朝廷累世

恩時危慷慨事戎軒單宗兄子能同死

先帝名臣果有孫不惜屏軀淪草野惟留壯節動乾坤紛紛  
介冑多逃免天壤何顏視息存

百柱堂全集

卷十六

罕



自題舟次詩後

停舟日日強裁篇奇逸蒼雄出偶然省識江神邀綵筆要令  
山水發清妍